



C A P V T X I .

An medicamentum simplex, in partes constituentes subdivisum, medicæ intentioni sit utile.

An autem talis dissolutio medicæ intentioni profuerit? De nō nullis eius modis nemo ambegerit: quæque infusione, coctione, succive expressione perficiuntur, usu quotidiano, omniumq; omnino & antiquorum & recentium Medicorū auctoritate sunt comprobata. Ij tamen, quos Chymici distillando aquas, exprimendo olea, extrahendo sales frequenter obeunt, suspensos tenent ingenuos multorum animos: si vel liceat, timore periculi, vel profit, spe utilitatis, eum præparationis laborem, in usum sanandorum morborū instituere. Cùm ergo propositum sit nobis, qua potest fieri, grata breuitate hūc quoq; scrupulū dubitantiū cogitationibus eximere, & re ipsa comprobare, quam parum hic offerat se se, quod hos præclari artificij cona-